



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pro diuino amore, precationes duæ.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

cisimè sciam, quæram & promoueam. Da mihi, vt omnium hominum salutem, profectum & commodum atque consolationem ex toto corde diligam, quæram, & promoueam ad gloriam tuam.

Misericordissime Iesu aufer à me omnem amaritudinem, liuorem, iram, malum rancorem, indignationem, suspitiones, inuidiam, & quicquid syncerissimæ charitati aduersatur, vt de omnibus hominibus in simplicitate cordis benè sentiam, neminem temere iudicem, vniuersos pijsimè dulcissimòq; affectu cordis in te diligā, & quomodocunq; tibi placuerit miserationis, beneficentiæ, dulcedinis, benignitatis, atque dilectionis affectu verba & beneficia, cunctis, maximè autem illis, qui mihi iniurias aut molestias intulerunt, toto corde impendam.

Pijsime Iesu, da mihi, vt diligam omnes inimicos meos perfectissimè non verbo aut lingua tantum, sed opere & veritate. Dulcis Iesu, omnem acceptionem peccatorum longè fac à me, vt in omni creatura purè te diligam, & tui imaginem in omni homine honorem, Amen.

Pro diuina proximiq; charitate, precatio.

Amantissime Domine Iesu Christe infunde cordi meo perfectissimam, perpetuam atq; ardentissimam charitatem, quæ omnem à te alienum amorem, omnes viciosos affectus, omnes inordinatos animi morus, omnem liuorem, amaritudinem, iram, odium, & quicquid diuinæ charitati aduersatur, in me occidat atq; radicibus euellat.

Dulcis Iesu, per immensam charitatem, quam ad nos habes, obsecro te, reple me hac eadem diuinissima virtute: & largire mihi vt nunquam inueniatur in me quidquam quod hanc à me exturbet. Absorbeat me ignita vis dilectionis tuæ, vt in te & propter te diligam proximum meum sicut meipsum, & sicut tu dilexisti nos. Te verò amem Deus meus, lumen oculorum meorum, consolatio, refugium ac dulcedo animæ meæ, propter te meipsum in omnibus & super omnia, Amen.

Pro diuino amore, precatio.

Ela rubens rosa fragrantissimæ charitatis Domine Iesu Christe, obsecro te per virtutem illius amoris, qui tuam nobilissimam animam à tuo corpore separauit, da mihi amorem, qui me totum liquefaciat in memoria præciosæ ac amorois mortis tuæ. Da amorem dulcis Iesu, qui me tecum vniat inseparabili & felicissima vnione. Eia Iesu meum desiderabile bonum, da vt tua saluberrima mors viuificet me ad vitam planè laudabilem, in tuæ amorois mortis compensationem. Eia Iesu amantissime, da mihi intentionem, quæ in omnibus te quærat & super omnia laudet, da mihi deuotionem indeficientem, quæ tuam semper & in omnibus desideret atq; perficiat laudabilissimam voluntatem, Amen.

Pro diuino amore, precatio.

Transige dulcissime Iesu Christe medullas animæ meæ suauissimo ac saluberri-
mo amoris tui vulnere. Perfode & confige omnia viscera animæ meæ, vera, superna, igneaq; charitate, vt langueat & liquefiat anima mea semper castissimo amore, vehemētissimoq; tuo desiderio. Cōcupiscat te Saluatorē suum & deficiat in atrijs tuis Domine. Non dēlectet eam vltius huius maliis mundi vanitas, non eam vlla prosperitas eleuet, nec aduersitas conturbet. Tu Domine sis illi diuitiæ & gloria,

gloria, tu gaudium & consolatio, tu requies & voluptas, tu refugium & firmū præsidium. In te radicata non errabit, in te manente, fructum multum feret quia sine te nihil boni præstare potest, Amen.

Pro incremento diuini amoris, precatio.

Domine sancte Pater omnipotens æterne Deus, propter tuam largitatem, & filij tui, qui pro me sustinuit passionem & mortem, & per matris eius Virginis gloriose sanctitatem, atq; B. Brunonis & omnium sanctorum tuorum merita, concede mihi vilissimo peccatori & omni beneficio tuo indigno, vt te solum diligam, tui amore semper ferueam, tuum honorem semper sitiam, beneficiū passionis Filij tui continuè in corde meo habeam, meam miseriam recognoscam, & ab omnibus conculcari & contemni appetam. Nihil me afficiat nisi tu, nihil me contristet nisi culpa, Amen.

Pro illuminatione mentis ac ebrietate amoris Dei, precatio.

Oriens splendor lucis æternæ, & sol Iustitiæ, veni & illumina me cognitione misericordiæ tuæ & miseris meæ. Fac in me vitium deperire, & omnis boni germen oriri. Per desiderium quod ab æterno habuisti ad nostram redemptionem, trahere omne desiderium meum in te per vinculum amoris, quod te traxit de sinu Patris in gremium matris. Da vt inebriet me ignita & mellisua vis amoris tui, quæ me faciat omnium terrenorum funditus obliuisci præ magnitudine amoris: aded, vt sicut flamma ardens totus ardeam tui desiderio, quod nulla creatura possit extinguere, Amen.

Pro diuini honoris Zelo contemptuq; rerum pereuntium, precatio.

Bone Iesu, fac vt totis medullis & omnibus viribus amem te, summe timeam & reuear. Fac me pro omni honore tuo fortissime zelari, ita vt omne opprobrium tuum, tanquam gloriæ tuæ zelo: ypus, vehementissime exhorrescam, mei contemptum diligam, & mundum cum omnibus quæ transitoria sunt tui amore contemnam Amen.

Pro anima mystica facietate, precatio.

Amator ardentissime dulcis Iesu, da vt anima mea te solum esuriat panem Angelorum, refectioem animarum, panem nostrum supersubstantialem habentem omnem dulcedinem, saporem atque omne delectamentum suauitatis, te inquam, in quem desiderant angeli prospicere semper esuriat & comedat anima mea, & dulcedine saporis tui repleantur omnia interiora mea. Te sitiat semper fontem sapientiæ, fontem æterni luminis, fontem vitæ, torrentem voluptatis, vbertatem domus tuæ. Te semper ambiat, te quærat, te inueniat, ad te tendat, ad te perueniat, te meditetur, te loquatur & omnia operetur in laudem & gloriam nominis tui cum humilitate & discretione, cum dilectione & delectatione, cum facilitate & affectu, cum sancta perseverantia vsque in finem, Amen.

Pro vnione anime cum Deo, precatio.

Iesu Christe corona æternæ iucunditatis, per gaudium quod in passione tua sanctissima anima tua habuit de humana redemptione, obsecro te, intrahere in te cor meum & animam meam, vt extra te nunquam in aliqua creatura valeam vel ad momentum delectari. Concede mihi o suauissime Domine Iesu vt omne desiderium

rium